

# FLOREAN DAL PALAZZ

Al salto fur la Joibe - Ogni doi numars 5 centesims l'un - Bez subit

1885/86

Si vendin la vis, da d'Edicula e dai principai Tabachins dal centro e la vis di sior Luigi Ferri.

**Abonamens** par l'intero un An quatri francs: 6 mes doi francs; par l'ester il dobl.

**Inserzions:** intiamet cù l'Aministrazion. Munda i bez cun letara raccomandade o ju vaglia postal al sempris indirizz: — **Aministrazion dal Florean dal Palazz, Udin.**

## Servizi telegrafich particular di FLOREAN

(Un pocut ritardât)

**Via de Pueste, 30 setembar.** — (oris 6.30 pom.) Son stadis scuviartis ches dos fantazzinis, che si ciolevin ogdi sere la libertat di là a fa matea ju impiegas de pueste.

**Via de Pueste, 30.** — (oris 9. pom.) In sclariment dal miò telegrama azuns che lis dos fantatis scuviartis e son dos sartorelis. Una di lor e jè *inamorade muarte* di un impiegat adett a l'ufizi de distribuzion des letaris. Che altra e ha anco che un *moros* impiegat e pueste. Ogni altra sere lor e han il matt gust di là pe buchete de distribuzion des letaris a domandà se jè letare par lor. Ogni volte e cambin non, i disin un non fals, un non che no l'esist. Eco come che son stadis scuviartis: Miarcus di sere es 6.30 e levin e pueste, al sportell de distribuzion: *Xela, letara per mi?* — e domandà une — *Che nome gata ela?* — La fantate no veve tignut a mens il non fals che deve ju ches altris voltis e cussì e disè un altri non. Ju impiegas la cialarin ben e disenja: *No, questo nol xe el so vero nome.* Jè no saveve ce rispijandi e cussì e fò scuviarte.

★

E son altris dos che si divertissin di là a fa matea i zovins di buteghe, e ju impiegas dai publicis ufizis; chestis no son dos sartorelis ma apartegnin al ceta medio. Joibe o tornari a discori in proposit e se no si corezin entri 4 diis, ti doi peraule di publica i lor non e lis lor baronadis.

## Storielis di Florean

Ce isal, ce, no isal, ma la tabachine no sta cujete. Corponon di bio, ce hae, l'arint viviaquessa? O arint o aur eijè cussì; nol è cas di di fale sta cujete.

Ben, ce isal nassut di gnuv? Al pareve dutt finit, al pareve che Florean la lassas in pàs o parceche al jere stuff, o parceche e jerin stuff i letors di lei ches nainis, o parceche la tabachine e stève cujete.

Nissune di chestis robis: nissune afatt. Ma Florean al diseve, ce zove matea a volè par forze riesci a drezza lis giambis ai cians. Al jè fadje butade vie tanche bati aghe in t'un mortal, opur fai la barbe al muss, che si piard liscie e savon.

Dunce vignin al concret: ce isal di gnuv? Al è di gnuv, jo veramentri par lis resons cumò ditis o varès tasut, ma no puès parceche o hai ouli une dozzene di letaris che m' invidin a fovelà, al è di gnuv, o disevi, che la tabachine e veve tentat un biell colpùt. No mingo no di Stat, ve-deit, oh la tabachine no si ocupe di pulitiche, altri che par di mal dal Guviar.

Si tratave di un colpùt finanziari, di un speculazion ben ideade, ben organizade.

Eco, la tabachine stufe di sta in ché contrade seure, e voleve vigni a sta in borg di san Tomaz, sul cianton di Duplessis, dula che jere la fiaschetterie toscane. E idai e tice, e pare, e messede, sior si mo, che ti veve otignud ut meti su il, in chell magnifici puest, la so brave postario.

Ma il diail al ha olut meti la so code e corpo e anco di mill Venturins di là di vigni, sì che il Ministeri al ha dit un biell di novolar d'ond, par cui la tabachine, se po ancemò, e seugne

contentassi di sta te contrade scure. E di a cussi che, vève caparade anco la buteghe e cumò i toce di piardi la capare i Caspita, le e crodeva di jessi in tunc bote di fiar; ma, come che o hai dit, il Guvier nol ha olut savent des ideis speculativis de tabachine, la qual ne e varà un motiv di plui di gherla l'ira di Dio dal Guvian medem.

Eco ce che al ul di a no sta cuges! E si Florean al ha prediciat la oujete plui di une volte! Ma!!

## Leterature di Florean

### In lode dal muss

Evive il muss,  
Vive la bestie  
Che jè 'l prototipo  
De la modestie,  
Il capostipite  
De la pazienze,  
Il ver esempi  
Dè continenze!

Il len, il stombli  
Par lui doprat,  
In gnove guise  
Tal à domat.

Che, sott la sante  
Potente vene,  
Al sbasse il ciav,  
Al plée la schene,  
Nè si lamente,  
Nè va in furor,  
Nance s' al crepe  
Sott il lavor.

Ecolo, ecolo  
Ne la so... glorie  
Degn di poeme,  
E degn di storie.  
Devot al canone  
De... l'opiniori,  
Sott la paterne  
Man dal paron,  
Al sa adatasi,  
Indiferent.

Ne l'aparenze,  
Ad ogni event  
E si diress  
Che 'l ben e 'l mal  
Par lui e fossin  
' Ne ciose ugal.  
Ma la sensibil  
Quarde del cur  
Se qualchi volte,  
Fra clar, e scur,  
E tente 'l sfogo  
Di qualchi affiet,  
(Che la lez... logiche  
A no permett  
A la so caste)  
Baste 'l baston  
Par oh' al rientri  
Ne la reson

Che, l'muss, al devi  
Simpri a l'effiet  
Des lez... patriotichis  
Stassi soggett.

Se, raris voltis,  
Al si dà 'l cas  
Che di' ste ciose  
Nol sei persuas,

Al si ribelle;  
Al tire un pan,  
Al dà un' ucade,  
Ma... nol fās dān,

Nol giave - al solit -  
Nissun' costrutt,  
Anzit al ris-chie  
Di piardi dutt.

Chell pōc, che a fuarse  
Di schene, al ha  
In tel mar-magno  
Podut pes-chiā

Di mancomal  
Par vivazā  
Infra che l'ore  
Ven di crepā.

Sere e matine  
Matine e sere  
De l'... uman prōssim  
Prove la guere;

D'ogni porcade  
A lui i toce  
A patā 'l fio  
Di schene e bōce,

E de sō opare,  
Del so lavor  
Altris e gioldin  
E 'l plui e 'l mior!

E, non par tant  
Ch' al piardi 'l schaco  
In ogni ciose,  
Al viv tal sacco,

Si, che di crodi  
Si han resons,  
Che prest i giavin  
Ance i cojons!

E sēi! Tū vā  
Canzon giulive  
E al muss intone  
Evive! Evive!

Evive il muss!  
Vive 'l paron!  
Vive la logiche  
De la... reson...

Berlitiche

## Corispondenze di Florean

Ciampfuarmid, 4 otubar

— Cioo — al ha zovat Florean sastu — e disin che domenie sei la rese di cont dei bez dal ciampanili.

— Bai sintūt anco jo — mū sastu tu comud che va a finissi? Qualchidun al ha di di qualchi perante; e alore il plevan, che nol ul che nissun i fasi osservazioni, al ha di lassà implantat dutt.

— Magari — Sin ben bogus no di fa i cassira.

— Ma vin di sta attens — la rese di cont bisugne che partissi da la prime linee scritte sul librut che al consegnā in Glesie sior Agnūl, e sul qual il plevan al continuave a notā — e bisugne propri dai une ociade e viodi se al è chell parceche se al ven fur cun tun libri gnuv; o anco vecio, che nol sedi chell di sior Agnūl, in alore bisugne domandalu.

— Dialu — bisugne che al sedi propri il prin libri, anco parçè che sun chell son notas i bez che al dè fur sior Agnūl in Glesie a la presinze dal popul — e po no cognossino il caratar di sior Agnūl?

— Larès ben viostu che al foss anco sior Agnūl presint, lui che al sa dutt parceche al è stat lūi, puaret, che al ha tant fatt par chè il ciampanili s'implanti — se nol foss altri bisugnarès invidalu par gratitudine.

— Tu pus nome crodi se la presinze di sior Agnūl i comude al plevan? Sior Agnūl al è bon di di il so olè, e di dà spiegazioni!

— E i cons dai ciamps e ciasis compras pe Glesie, vino di viodiju?

— Ma — Sior Agnūl al ha consegnas i siei ma il plevan, da quasi un an, ju ten scundus — par cui prest e vegnarān ju lis bravis petitionis a cui che no ha colpe — e alore che nol stedi a crodi il plevan di spindi di chei de glesie par so caprici — lis spesis bisugne che lis sostegni lui e cui siei.

— Par bio — fur e han di vigni i cons di

sior Agnùl è i lor — no e vin drit di viodiju parceche la Glesie è jè nestre. No si fevele di cons de fabricerie, di chesg noaltris no s'intrighin e no e domandin a olin chei de amministrazion private.

— Vedarin domente.

## Da la Zae di Florean

Zà seris Florean che al ciamine di gnott par viodi i trucs che sucedin tal mond, al leve balucand oà e là ocupat tai siei pinsirs; quand che al viod a entrà tre o quatri vistus di neri, in une canoniche; e curiositat mi ven di fa il mamò, e poi staju a oselà chesg quatri tipos. O hai lassat che entrin, e dopo dis minùs, mi avioini a un balcon siarat, par sinti ce che vessin di di in chell sit che par Udin al cor « il ritrovo dai gesuis ». — Infatti e zigavin tant suart che al jere intil di stai donge, sintind tal miezz de strade dute la lor quistion. E fevelavin dal vescul, dai plevans, dai ciadunis e di altris robis che a nissun impuarte di savelis. Ma, fra lis altris ciossis si sintive a di: viostu tu Pieri chei che han concorut cull, chei che faran culà; e jù a ches, force a chell altri; insume e jè une vergogne che vevin di jessi ocupas chesg diretors des animis in chestis garis, mentri i puars vecios, come mi disevin i bogns predis antichs, no lejevin giornai in saceristie, nè vevin chestis bielis ocupations che la stupide libertat acorde, a chesg plui stupis e trisgs, dirèts da un sfuei fatt apueste par istupidità int e rindin, simpri plui crativs.

O hai savut che il vescul si è condott ben cul capelan di Felett. Ce credial chei sior Viciari di jessi un Sultan? Vès di savè che al veve fatt sciarà il confessionari, il pulpiti, l'organo... ma il vescul i ha dade une ramanzine come che al meretave parçè che no i aparten a lui di fassi arbitro di autoritat che nol ha, ma essind entrat pe buse de clavarie, cumò al si erod un'omenon e paron di fà alt e bass ce che al erod. Puare religion in ce mans che jè!

Mi han mandat divarsis letaris segnadls cùl non, dula che mi fasevin une desorizion oride d'un C... stat plevan a O. e dopo a M., che cun Ciasesole al jere il factotam, cun Somede Istess, e che ancemò al par che al sei mitud dal Signor, sol a intorbida il benjessì da là int che erod al predi. Di ches C... subit che o varai indagat ben l'afar, o scrivarei des bielis ciossis; sicut di fa ridi là int. Intant cumò silenzio, parceche Florean nol ul sèrivi se non ce che al è ver, e che al pùedi fa ridi i furlians.

O ricev e o publichi:

« Tu has di savè, Florean, che a Sant'Antonliis beghinis e fasin il diaul par tignù il lor direttore. Ma che esi tegnin, e che lu metin magari tal lor jet, che a no nus impuarte un boro. E mandin mess, e mandin suplichis, e han fatt tri-dus par otigù de Madone la grazie di conservalu. Ma no han lor tang vès in chell Oratori, e podares la Madone fai la grazie che cussì al finarès ches diaules. Ah! quand si finirajal di dà ad intindi e ingianà il puar popul cussì scempio e imbecill? »

Mi scrivin:

« Pre Z... al ul là e nol ul là gesuit; ma che al vadi o che al resti, ce oodr di meti tante confusion e di fa tang ciass tal public? O resti che il vescul nol disi: e jè ore di finite? Se al savess il ciadaldiaul che al è in grazie di ches petegulis tiradis su da chell fanatici! Se nol mett un poc di ordin il vescul, e a la direzion des animis, int positive, e serie; vers umin... il puar vescul al continuerà che flastroce dal muart, e cussì sarà simpri il tran-tran, finchè il popul si stufarà, e al vignarà a ohe, di finila par simpri come che han fatt i franzès. E secin masse i totanos cheste int nere! »

Mi mandin par che o publichi:

« Ce oleso! Cumò no lassin in pas nanco i muars e dugg si scalmanin, un a dispiett di chell altri di fanns là vie cun tutt il lusso pussibil e a bon marciat. E jere la imprese come che jè ancemò dal Roem e sul so servizi a di la veretat no si po che lodassi parceche decoro,

luso e prezis diacres e son il programme dal Boem, il qual vineviarse al è Udines e al sevele il fur-lan, mior di qualchidun altri essind pui di un secul che la so famee e exist a Udin. Siorsì mo che ha di vigni, un'altre imprese, la qual zà in principi no scomenze tant ben. Figuraisi che mande pes ciasis a ofa il so servizi prime au-cemò che si disfredi il cadavaz. Cussì, e jè to-cinde pal funeral di chell puar zovin di Angeli e son las subit a domanda di fai lor il funeral, ma Angeli indispetit di cheste premure fur di lug, paroeche lls fameis, e son buinis lor di mandà a clamà l'imprese, al ha mandat vie l'a-gent de gnove societad ançe — cussì e contin — cun pocs buine maniere, e cussì e impararan a vè convenienze e rignard in chei momens aba-stanze doloros par cui che i toce.

Si domande paroe che la gnove societad no ha une cubie di ciaval che sei compagne avind vi-dud che i doi blands e son come l'articul 22.

E jè une robe che no par bon: e si e disevin che varesin fatt robis di gran lusso! Ma così va il mondo bimba mia!

*Il solit Zaneton*

Un furistier mi scriv par lagnassi che tes la-trinis publichis no si mantegni che nettezze che jè volude e che si riscontre in altris citàs

Al azuns ançe che la presinze imediade di un portinar o portinàre in chell lug no jè tropp convenient e cull o dassi che la cub spiete e com-prendin la resòn.

Al azuns ançe che la presinze imediade di un portinar o portinàre in chell lug no jè tropp convenient e cull o dassi che la cub spiete e com-prendin la resòn.

Al azuns ançe che la presinze imediade di un portinar o portinàre in chell lug no jè tropp convenient e cull o dassi che la cub spiete e com-prendin la resòn.

\* Tu has publicat di un miracul de Madone che lla sciolt un amor che al jere impossibil di sciolzi e che camò il fantat al si contente di fa serehadis.

Fami il plazè di di che fantazzute che quat-chi ciosse e ha ancemò tal so curut, che il mi-racul de Madone al podaves fra non lung timp rinovassi in sens contrari.

Rignard po alis serehadis assaburte che son finidis dal durt e che no veràn plai lug assolu-tament. Del rest e po sta sicure che il fantat no si disperà che come al pararès la prime viste il timp al è galantomp.

Al azuns ançe che la presinze imediade di un portinar o portinàre in chell lug no jè tropp convenient e cull o dassi che la cub spiete e com-prendin la resòn.

Il saressin preadis lls feminis che traffichin su la plazze dal polam a fraudà un poc i lor furors, quand che capitin i contadins cu la robe. Cussì mi racomande che o publichi un tal che al sta atent ogni martars, joibe e sabide.

## Epigrams di Florean

*A glorie e onor dal professor Mastie.*

unq toom la savinche. **XIV.** che anca l'avea dS  
-ad e ad la savinche l'avea dS  
Cun la seque di Gustin, no si e la savinche  
So paron e protetor, no si e la savinche

Par che il popul vadi mior, no si e la savinche  
Ne la vie de mala fin, no si e la savinche

Nel diffindi la gentile, no si e la savinche  
Che ruvine la Nazione, no si e la savinche  
Al è adar chell salaron, no si e la savinche  
Chell bon capo di Mastie, no si e la savinche

Chè, par viarz i presipizis  
Par il popul di buta,  
E par l'art di sgovernà,  
Al ha propit dugg i vizis!

**XV.**  
La patrie jè par luit un laminicul  
Che i sery isoltant par rifur di ventricul

Berlitiche.

**AVIS DI FLOREAN**

Essind cambiade l'amministrasion dal sfuei, al è stat provedut par che gnùv e brilans e valen-tissins colaborators e prestin la lor opare util e dileteval te publicazione di *Florean dal Palazz*.

Par cui si viars un gnuy abbonament al sfuei da prin 1 October 1885 a durt 31 Decembar 1886 al prezi di quatri francs, par cui i gnùv abbonas e varesin il sfuei gratis par tre mès, cioè da prin October a durt 31 Decembar di chest ap-punt. Cheste cugagne no po dale che *Florean*, dunce approfitt, fin che ses in timp. E savès se che al dis il proverbio: *chi ha tempo non aspetti tempo*.

VINCENZO LUCCARDI, *Director responsabil.*

Stamparie Jacob e Colmegne.